

سنه لکی در سعادت ایچون مجیده
یکرمی غروش حسابله التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ٤٠ پاره در

محرکات

آبونه اولقی ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرنندن بر مجیده اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

حلب و آتیه و لایترلی عدلیه مفتشلیکی
دیاربکر و معموره العزیز و لایترلی عدلیه مفتشی سعادتلو
اسعد افندی به

دیاربکر و معموره العزیز و لایترلی عدلیه مفتشلیکی
حلب و آتیه و لایترلی عدلیه مفتشی عزتلو حسنی
افندی به تفویض بیورلمش و مومی الیها ذاتاً محلف
بولمشدر.

آیدین ولایتی مرکز بدایت محکمه سی مدعی
عمومی معاونی سلیمان افندی به رتبه ثالثه توجیه
بیورلمشدر.

محاکمات

بصره ولایتی مرکز بدایت محکمه سی مدعی
عمومی معاون سابق عبده شوکت افندی اوراق
انفصالیه و مدافعه نامه سی انجمن انتخاب مأمورین
عدلیه به لدی التذقیق جواز استخدامنه قرار
ویرلمشدر.

محکمه تمیز حقوق دائره سندن تنظیم واعطا
اولنان اعلامدر:

کنغری قصبه سنک شیخ عثمان محله سنده ساکنه
کتبخدا زاده متوفی محمد افندی کریمه لری امینه ونعیمه
وذلیخا وعقیفه خانم ایله متوفای مومی الیه کلینی
امینه خانم بیننده متکون دعوا به دائر کنغری بدایت
محکمه سندن ١٣ مارت سنه ٣٢١ تاریخ و ٧
عددی ایله ویریلان اعلام مزبوره نعیمه وذلیخا
وامینه وعقیفه خانم طرفلرندن تمیز ایدلمکله اعلام
مذکور طرفینک اعتراض وجواب لایحه لریله برابر
بالمطالعہ تدقیقات تمیز به اجراسنه ابتدار قلندی.
اعلام مذکورک خلاصه مندرجاتی مزبوره امینه

خانم قائم پدري متوفی محمد افندی ذمتنده آله جنی
اولان یکرمی بش عدد لیرای عثمانی مقابلنده مدیون
مومی الیهک حال حیاتنده کندوسنه بیع وفروخت
ایدوب بعد الوفاة بش سنه دنیرو تصرف ایلکده
بولندیغی طوزجیلر جاده سنده کائن برقطعه دکانه
متوفای مومی الیهک کریمه لری مزبوره امینه ونعیمه
وذلیخا وعقیفه خانم طرفلرندن وقوع بولان
مداخله نک منعی طلب ودعوی ایتسی ولاجل المحاکمه
تعیین قلنان کونده مدعی علیهمک دعوت واقعه به
اجابت ایتملری حسیلله وکیل مسخر تعینله غیاباً
جریان ایدن محاکمه وتدقیقات نتیجه سنده وکیل
مسخرک انکار به مقارن مدعی مزبوره دعواسی
اثباتدن اظهارعجز ایلسنه منعی اعتراض وقوعنده ورثه
مرقومه نک یمینلرینه تعلیقاً منازع فیه دکانک مدعیه
مزبوره امینه خانم ترک وتسلیمنه دائر لاحق اولان
اعلام غیابی حکمنه ورثه مرقومه طرفلرندن اعتراض
اولنمش ایلنده بدرجه به قدر محاکمه وجاهیه جریانندن
صوکره تعیین قلنان کونده مزبوره لریک دعوت اجابت
ایتملرینه منعی اصول محاکمات حقوقیه قانونک یوز
اللی طقوزنجی ماده سی موجبنه اعتراض استدعالرینک
ردینه حکمدن واشبو حکم علیهنده مستدعیه لریک
لایحه لرنده محرر اعتراضلرینک خلاصه سی مدعیه طرفندن
قیود خاقانی به قارشو درمیان ایدیلان شرا دعواسنک
محکمه به قبول واستماع ایدلمسی و محاکمه وجاهیه
اثناسنده مدعیه نک مطلوبی دکان مذکورک بدل
ایجارندن تمامیه تسویه اولندیغی درمیان ایدلمش ایکن
بودعالرینک تدقیق ایدلماسی وتعیین قلنان کونده
معذرت مشروعه لرندن محکمه بی خبردار ایلدکلی
حاله محکمه به معذرتلری قبول ایدلمیه لریک اعتراض
استدعالرینک ردینه قرار ویرلمسی یولسرمغایر قانون
اولدیغندن بحکله اعلامک تقضی استدعاسندن ولایحه
جوابیه مؤداسی ده غیر وارد اولان اعتراضات مسروده نک
ردی وموافق اصول وقانون اولان اعلام مذکورک
تصدیقی طلبندن عبارتدر.

ایجابی لدی المذاکره اعلام مذکور مألندن

منفهم اولدیغی اوزره مدعیه نک درمیان ایلدیکی شرا
دعواسی اثباتدن اظهار عجز ایلله مدعی علیهمالریک
عند الاعتراض انکارلری حالنده یمینلرینه تعلیقاً
دعوی واقعه نک قبولی ومیبعک مدعیه به تسلیمی
حکم التمه التمش ایلنده بوکی بینهماده وقوع بولوب
سند رسمی به مربوط اولیان بیع وشرا دعوالرینک
محاکمه استماع ایدلماسی شرفصادر اولان اراده
سنیه جناب پادشاهی حکم جلیلی اقتضاسندن اولدیغی
حاله محکمه به دعوی مذکورک بر منوال محرر
قبول وحکم ایدلمسی مخالف قانون اولدیغندن اصول
محاکمات حقوقیه قانونک ایکی یوز اوتوز ایکنجی
ماده سی موجبنه اعلام مذکورک تقضیه قانون
مذکورک ایکی یوز قرق بشنجی ماده سی حکمنه توفیقاً
کیفیتک اصلاحاً بالرؤیه اعلامه ربطی ضمننده محکمه
مذکوریه اعاده سنه واولجه مستدعیه تمیزلر طرفندن
ویریلان یوز سکسان غروشله بوکره تمیز علیها امینه
خانم نامه تسویه وایفا قلنان ایکی یوز قرق بیج
غروشکه جمعاً درتوز یکرمی بیج غروش مصارف
تمیزیه نک ایلروده حقسز حقیقه جق طرفه عائد اولسنه
٧ نیسان سنه ٣٢٣ تاریخنده متفقاً قرار ویرلدی.

محکمه تمیز استدعا دائره سندن تنظیم واعطا
قلنان اعلامدر:

مرعش سنجاغی بدایت محکمه سی جزا دائره سندن
تنظیم واعطا قلنان ٣٠ ایلول سنه ٣٢٣ تاریخلی
و ٣٢٦ نومرولی اعلامک تمیزاً تدقیق طلبنی حاوی
حاجی احمد طرفندن ویریلان استدعانا مه واوراق
متفرعه سی باش مدعی عمومیلک مأموریت بهیه سنک
١ نیسان سنه ٣٢٤ تاریخلی تبلیغنامه سی ایلله محکمه
تمیز استدعا دائره سنه تودیع اولنمش ولدی التذقیق
مذکور استدعانا مه نک مدتی ظرفنده ویرلیدیکی
وشروط قانونیه سنه موافق بولندیغی اکلاشلمش
اولدیغندن بالقبول تدقیقات تمیز به اجراسنه ابتدار
قلندی.

اعلام مذکورک خلاصه مالی یدنده اوج کیلو قیاق توتون دردست اولندینی ادعا قلنان مرقوم احمدک ثابت اولان حرکت مذکورک سیله قیاقیق فعلنده سابقهسی بولمنسندن ناشی رژی نظامنامه سنک قرق ایکنجی وقرق دردنجی مادهلری موجنبه ایک قات اولهوق کندوسندن ایک یوز قرق غروش جزای تقدینک تحصیلنه قرار ویرلدیکی متضمندر .

ذکر اولان استداعنامه مندرج اعتراضات دخی اصولی دأتره سنه تنظیم ایدلامش اولان ورقه سنه استناداً سابقه سی قیدینه مراجعت ایدلکسزین محکومیتی جهته کیدلسی مغایر قانون اولدیغه دأتر سرد اعتراض ایله اعلام مذکورک قضی استدا اولمشدر .

تبلیغنامه دخی اعتراض مذکورک بجا اولدینی بیانیه اعلامک قضی لزومی کوسترلمشدر .

ایحای لدی اذاکره اعلام مذکورمندرجاتندن مفهم اولدینی اوزره دأتون علیه حاجی احمد جریان ایدن محاکمه انکار ماده ایله برابر ضبط ورقه سنک اشخاص سائر طرفندن امضا اولمادیغندن بخله شایان قبول اوله میه جفی مدافعه سنده بولنوب شوصورتله مذکور ورقه نک خلافی ادعا ایتش وقاچیرمقدمه اولدینی توتونلرک داخل شهرده مصادره ایدلمش اولدنی وعقب وقوعانده موجود بولنانه امضا ایتدیرلمسی نظامنامه مخصوصنک التمش برنجی ماده سی احکامندن بولسان مذکور ورقه نک شو تعریفات نظامیه عدم موافقتندن ناشی معمول به ومعتبر طوتیه میه جفی ماده مذکور جمله مندرجاتندن بولندیقی حاله حکم واقعک بورقریه استناد ایدلسی مظلون مرقومک قیاقیقده کی سابقه سی قیدینه مراجعتله اولابده کی حکمک کسب قطعیت ایدوب ایتدیکی تدقیق اولقمسزین طلب ایدیلان جزای تقدینک ایک قات اولهوق حکم اولمنسی تمیز استداعنامه سنده کوسترلدیکی وجهله مغایر اصول وقانون اولدیغندن اصول محاکمت جزائییه قانوننک اوچوز اون دردنجی واوچوز اون طقوزنجی مادهلری منطوقجه اعلام مذکورک نقضیه احکام قانونیه دأتره سنه ایشای معامله اولتی اوزره اوراق متعلقه سنک محکمه مذکوریه اعاده سنه وایکی یوز غروش اعلام خرجنک مستدعی تمیز دن تحصیلنه ۱۲ نسان سنه ۳۲۴ تاریخنده متفقاً قرار ویرلدی .

لامه جی محمدی قتل ایتدکری ادعا اولمنسندن دولای جنایتله اتهام اولنان احمدک اون بش وخضیر وحسن وایراهمک اوچر سنه مدته کورک قونلرینه

ودیکر احمدک برائته دأتر بغداد ولایتی استیناف محکمه سی جزا دأتره سنندن ایکنجی دفعه اولهوق ویریلان ۱۵۵ نومرولی اعلام

پهلوان اوغلی علی قتل ومصطفانک خانه سی لیلاً باصوب نقود واشیاسی سرقت وضیا ومحمد عثمان ومحمد علینک اوکریه مسلحاً چقهوق نقود موجوده لرغی غصب ایتدکری ادعا اولمنسندن دولای جنایتله اتهام اولنان حقیقنک اعدامنه وطورمش ومحمد علینک اوچر سنه وخیرینک بش سنه مدته کورک قونلرینه دأتر جنایتک سنجانجی بدایت محکمه سی جزا دأتره سنندن ویریلان ۵۰۸ نومرولی اعلام

آراکل اوغلی داویدک ضرباً وفاتنه سبیت ویردکری ادعا اولمنسندن دولای جنایتله اتهام اولنان اوسبک بش سنه مدته کورک قونلرینه وشکری وقازارک عادیا ضارب بولغری حسیلله ایکشر ماه مدته حبسلرینه دأتر مرعش سنجانجی بدایت محکمه سی جزا دأتره سنندن ویریلان ۴۳۰ نومرولی اعلام

حسفی قتل ایتدکری ادعا اولمنسندن دولای جنایتله اتهام اولنان سلیمانک اون بش سنه ومحمدک دوت وخلیک اوج سنه مدته کورک قونلرینه دأتر کرکوک سنجانجی بدایت محکمه سی جزا دأتره سنندن ویریلان ۱۲۰ نومرولی اعلام

حاجی طالبک دکاتی کلیدی آت مخصوصه ایله آچهرق دروننه بالذخول اشیاسی سرقته تصدی ایتدیکی ادعا اولمنسندن دولای جنایتله اتهام اولنان مصطفانک اوج سنه مدته کورک قونلرینه دأتر حلب ولایتی استیناف محکمه سی جزا دأتره سنندن ویریلان ۱۳۳ نومرولی اعلام

کرکوکدن واقوفه کیدن کاربان خلقنک اشیارلری اخذوغصب ایتدیکی ادعا اولمنسندن دولای جنایتله اتهام اولنان کریمک اوج سنه اوچ ماه مدته کورک قونلرینه دأتر کرکوک سنجانجی بدایت محکمه سی جزا دأتره سنندن ویریلان ۳۹۱ نومرولی اعلام

حاسمی قتل ایتدکری ادعا اولمنسندن دولای جنایتله اتهام اولنان علوان وعبدالفرهودک اون بشر ودیکر قفاسنک اوچر سنه مدته کورک قونلرینه دأتر بغداد ولایتی استیناف محکمه سی جزا دأتره سنندن ویریلان ۱۳۲ نومرولی اعلام

مصطفای قتل ایتدیکی ادعا اولمنسندن دولای جنایتله اتهام اولنان محمدک اون بش سنه مدته کورک قونلرینه دأتر طرابلس شام سنجانجی بدایت محکمه سی جزا دأتره سنندن ویریلان ۲۹۴ نومرولی اعلام

مصطفی بن خلیلی قتل ایتدیکی ادعا اولمنسندن

دولای جنایتله اتهام اولنان ابراهیم بن درویشک اون بش سنه مدته کورک قونلرینه دأتر قدس شریف سنجانجی بدایت محکمه سی جزا دأتره سنندن ایکنجی دفعه اولهوق ویریلان ۳۹۱ نومرولی اعلام

آیدینی واسیلی قتل ایتدیکی ادعا اولمنسندن دولای جنایتله اتهام اولنان لازارینک اون بش سنه مدته کورک قونلرینه دأتر آیدین ولایتی استیناف محکمه سی جزا دأتره سنندن ویریلان ۲۲۴ نومرولی اعلام

مصطفی زوجیه سی الیفی قتل ایتدیکی ادعا اولمنسندن دولای جنایتله اتهام اولنان عثمانک حین ایقاع جرمده نالغ مرهوق اولمنسی حسیلله قرقنجی ماده قانونیه موجنبه مستحق اولدینی اون بش سنه کورک جزاسنک ربی اولان اوج سنه طقوزماه مدته حبسنه دأتر طریزون ولایتی استیناف محکمه سی جزا دأتره سنندن ویریلان ۱۶۲ نومرولی اعلام

محمد فزینک چفتلکی طامانک بچره قاتلرغی شکستله قیوسنی دلهوک قوزی وخظه سنی سرقت ایتدکری ادعا اولمنسندن دولای جنایتله اتهام اولنان حسن وعثمانک اوچر سنه مدته کورک قونلرینه وطورمشک برائته دأتر مرهین سنجانجی بدایت محکمه سی جزا دأتره سنندن ویریلان ۱۰۴ نومرولی اعلام محکمه تمیز جزا دأتره سنجه تصدیق قلمشدر .

۶۸۳ نومرولی نسخه ده مندرج درسعادت جنایت محکمه سی اعلامنک مابعدی :

جانب ریاستندن اظهار حقّه مدار اولتی اوزره جلی تنسب قلمش اولان قاتع جوارنده چهارشنبه نام محله ساکن چقورچشمه موقعده مستخدم پولیس قومیسری اوتوز اتی یا شنده طاعتسانی محمدی افندی بن محمد ولاله لی جامع شریفی قارشوسنده کی دکانده قصابی ایدن اوتوز یا شنده ارکریلی آریستیدی ولد یا نینک دعوت واقعه یه اتباعاً ورود ایتدکری خبر ویرلمک بکان بکان حضور محکمه یه چقاربهرق لدی السؤل طرفینه قریب ومناسبت وخصوصتلی اولمادیغنی سولیلرله کندولرینه اخطارات لازمه بعد الایقا بلا حالف مواجهه استماع اولندقلرنده بونلرین یوسف احسان افندی برکیجه قره غولانه ده اوطورمقدمه ایکن حبیب نامنده برشخصک مجروحاً آصف بکک اجزا خانه سنه کتورلدیکی خبر آنسیله ولدی التحقیق جارحک موقعلری داخلنده اقامت ایدن حضور محکمه ده کی متهم کور لیغور اولدیغنی اکلامسیله هان متهمک اوطه سنه شتاب ایتدکه

بوله میوب مرقومک برآز مقدم اوطه سنه کله رک آرقداشلرندن پاره طلب ایتدیکی وقارشویه کیده جکم دیدیکی استخبار ایتسیله استخفا ایده بیله جکی محملری بیان منابو خورشید ترصد قومیسری محمدی افندی بی بالاستصحاب لازم کلان مواقعی تحری ایدره وقیان دقیقه بحم یوسفک قهوه خانه سننده بوله رق دردست ایتدکری وقهوه جیدن سؤلالرنده مرقوم لیغورک یارم ساعت اول قهوه خانه یه کلدیکی سولیلکی ومکرزه کتورمکده ایکن متهمک خورشیده کردجه اولدیمی اولدیمی دو صورمش اولدیغنی خورشیدک خبر ویردیکی وارزری تحری ایتدکری یوک قوشاغلک ایک محلی ایله جا کتسک اوموز طرفنده قان لکمه سی کوردکری بیان وعندالاستیضاح متهمی دردست ایتدکری زمان مرقومک بی نزهه کوتوربورسکر دیمسیله کیفیتی قهیم ایتدکری انکار ماده ایلدیکی وشهادتی حضور محکمه ده کی متهم لیغور حقیقه اولدیغنی علاوه درمیان ایلدی .

محمدی افندی دخی شاهد یوسف احسان افندیکی شهادتی وجهله کیفیتی اخبار وعند الاستیضاح اجزاخانه ده تدای ایدلمکده اولان مجروح حبیدن جارحنی صورمش ایسه ده بر جواب آله مدیغنی ومتهمی قیان دقیقه دردستله مکرزه کوتوردکری صرده خورشید ایله کردجه برشی قونلشدیغنی کورمسیله وخورشیدن سؤلنده لیغور اولدیمی اولدیمی دیو صوردیغنی سولسیله متهمی استجواب ایتدیکنده بن قتل ایدم انجق محل جرمین کچر ایکن حبیبک بر شخص ایله منازعه ایتدیکی کوردم بولنده افادته بولندیغنی وارزری تحری ایتدیکنده قوشاغلک ایکن محله ده جا کتسکده قان لککری کورمش ومذکور قانک تازه اولمنسی محتمل بولندیغنی ومحل جرمده ومتهمک اوزرنده آلت قاطعه کورمیدیکی وشهادتی حضور محکمه ده کی متهم لیغور حقیقه اولدیغنی علاوه تذکار ایلدی .

شاهد یوسف احسان ومحمدی افندیلرک افاده لری ختام بولنده ذات وشهادتلینه قارشو نه دیه جکی متهم لیغور دن صورلدقه حین استجوابنده محل جرمین کچدیکی سولیش واساساً منازعه یی کورمش ایسه ده کندوسنک دخلی اولمادیغنی یاد ایتدی .

قصاب آریستیدی دخی وقه کیجه سی ساعت اوج راده رنده دکاتی قیامقه ایکن متهم لیغور دکاتی قارشوسنک قهوه خانه یه کروب بش دقیقه صوکره منازعه ایدره ک چیقدیغنی کورمش وزقاق ایچروسنده نعره آندیغنی معقب قوموشوسی بولنان توتونجی ایرانی رضا اغانه اولدیغنی کندوسندن صورمسیله دکانه جکلمسنی وقارشامسنی اخطار ایلدیکندن دکاتی

اوزرنده کی اوطه سنه چیقدقدن برآز صوکره محمدی محمدیو برفریاد وقوع بولدیغنی وبالاخره حبیب نامنده برشخصک مجروح اولدیغنی ایشتمش ایسه ده اوطه ده بولندیغنی اجلدن جریان وقعه یی کوره مدیکی وبشقه معلومان اولمادیغنی سولیدی .

لدی السؤل متهم لیغور سکوت ایتدی .

دأتر امانندن کتوردلمش اولان دملی قوشاق وجاکت اولا متهمه وبعمده شاهدلره ارانه اولندقه متهم لیغور قوشاق وجاکت کندوسنک وشاهد یوسف احسان ومحمدی افندیلر دخی متهمک دردستی معقب اوزرنده بولنان دملی قوشاق وجاکت اولدیغنی وآریستیدی ایسه کورمیدیکندن بیلمدیکی سولیلر .

متهمک دردستنده حاضر بولنش اولان چقور چشمه ده پشتالچی خاننده ۲۵ نومرولی اوطه ده ساکن اوتوز یا شنده کیفیتی خورشید بن حسینک جانب ریاستندن اظهار حقّه مدار اولتی اوزره افاده مضبوطه استطایقه سنک قرائتی تنسب ایدلمکله او قوندرلرده برکیجه لیغور خانه بالورود درویش اغانک قیوسی اوکنده طوره رق بنم یاره می ویر کیدیورم دیمسیله اوطه سنندن چقهوق نه ایستدیکی

صوردیغنده لئهمه برارانی ایله غوغا ایتدم شمعی کیدیورم دیدیکی ودرویش اغان دخی متهم مرقومک یاره سنی اعطا ایدره ک صاودیغنی وبالاخره مأمورین ضابطه کلوب لیغوری تحری ایتش ایسه لرده بوله مدقلرندن کندوسنی بالاستصحاب قیان دقیقه کیده رک کویری باشندکی بیوک قهوه خانه ده لیغوری دردست ایتدکری ومرقومی کوتورمکده لری ایکن لیغور کندوسندن کردجه اولمنسی دیو صورمسیله ده اوما مشدر دیدیکی ومرقوم لیغورده بچاق وارزرنده قان کورمیدیکی حبیب ایله کوریشدیکی دخی بیلمدیکی مین ایدوکی مفهم اولدی .

قرائت اولنان اشبو افاده یه قارشو نه دیه جکی متهم لیغور دن صورلدقه خورشید ایله منازعه لی اولدقلرندن قبول ایتیه جکی ومنازعه دن طولای محکمه یه کتیدکری واشیادن عاجز اولدیغنی سولیدی .

طرفینک توسیع تحقیقات حقیقه بشقه مطالی اولمادیغنی لدی السؤل تبین ایتکله تحقیقاتک بوندن عبارت ایدوکی بیان اولندقه معاون موسی ایله متهم لیغورک میانه لرنده حادث اولان منازعه اوزرینه بالتیور حبیبی جرح وقتل ایلدیکی شهادت ومعاینه راپوری مندرجاتی ومقتولک قبل الوفا جارحسک لیغور اولدیغنی تعیین ایتیمی والبسه وقوشاغلده دم لکمه سی بولمنسی وسائر دلائل وامارات ایله ثابت

اولدیغندن بالبعث اولوجهله مجریمته قرار ویرلسنی طلب ودعوی ایلدی .

وکیل مدافع ولادمیر افندی دخی شاهدلرک هیچ بری جرحک صورت وقوعنی قناعت بخش اولهوق صورنده خبر ویرمکدرندن قطع نظر موکنده بچاق بولمادیغنی سولیبوب وبرقم شاهد ایسه صرف منازعه نک وقوعنی خبر ویروب موکنک اشبو قتل فعلنه مجاسرتنه دأتر سرد اولنان دلائل ایسه کافی اولمادیغندن برائته وبالفرض موکنک فاعل اولدیغنی ثابت اولسه بیله مادام که کندوسنده بچاق یوقدر مادام که مقتول بچاق بابی اولمنی جهته یا ننده بچاغی بولمنی مستبعد دکدر هر حاله قتلک بالمقابل وقوعی استدلال قلندیغندن اولوجهله فعل مذکورک فاعلی اولدیغنه قرار اعطاسنی طلب واستدعا متهم لیغور دخی بشقه دیه جکی اولمادیغنی انبا ایتلی یله محاکمه ک اختتامی بالافهام مذاکره اوطه سنه کیدلیدی .

(بقیه سی کله جک نسخه یه)

مانولک میخالی ضرب وجرح ایتدیکی ثابت اولدیغندن برهفته مدته حبسنه

قوچونک کلبه سنندن اشیا سرقت ایلدکری ثابت اولان ابراهیم وعینک التیشر ماه مدته حبسلرینه قوچونک خلاف ممنوعیت لوتاریه جیلق ایتدیکی ثابت اولدیغندن بش بشلک جزای تقدی آنسنه

علقونک الینی ضرب ایتدیکی ثابت اولدیغندن برهفته مدته حبسنه

عبد الوهاب وصادقک قومیسر زین العابدین افندی یه اطاله لسان ایتدکری ثابت اولدیغندن برر آلتون جزای تقدی آنسنه

محمدک علی جرح ایتدیکی ثابت اولدیغندن برر آلتون آنوب مجروح ویرلسنه

قالیوپنک انایه اطاله لسان ایدره ک خانه سنه طاش آندینی ثابت اولدیغندن اون کون مدته حبسنه

عبدالقادر افندیک مصطفی وایراهمه اطاله لسان وضرب ومرقومانک دخی موسی الیهی ضرب ایتدکری ثابت اولدیغندن عبدالقادر افندیک اون کون ومصطفی ایله ابراهیمک برهفته مدته حبسلرینه

قوچونک طودوری یه محل ناموس سوزسولیدیکی ثابت اولدیغندن برهفته مدته حبسنه

سلیمک سلیمانیکری کوندن زیاده ایشندن قاله جق وقرق کونده سکر یوز غروشه التیام بوله جق درجه ده وسلمانک دخی سلیمی یکری کون قدر معطل ایدره ک اوتوز کون ظرفنده اوچوز غروش

اجرتله النيام پذیر اوله جق درجه ده جرح ایتدکری ثابت اولدیغندن هر ایکسینک ایکیشر ماه حبس لریله برابر سایمانک مصارف جراحیه سی اولان سکر یوز غروشله ایام تعطیلیه اجرتی اوله رق سکر غروشدن تقدیر اولسان یکریمی کونلک یوز التمش غروشلک بالتحصیل سلیمان و سلیمک دخی مصارف جراحیه سی اولان اوچیوز غروشله کذلک یوز التمش غروش ایام معطله اجرتنک بالتحصیل سلیمه ویرلسنه

قوندره جی طودوری یی یکریمی کوندن زیاده ایشندن قالیر درجه ده جرح ایتدیکی ثابت اولان کریاقونک ایکی ماه حبسنه و محکمه جه تقدیر ایدیلان ایکی یوز اوتوز غروش ایام معطله اجرتیه درتیوز غروش اجرت جراحیه نک دخی بالتحصیل مجروحه ویرلسنه

ماریه نک اشیاسنی سرقت ایتدیکی ثابت اولان صاوانک اوچ ماه مدته حبسنه و ختام مدت جزائییه سنده ضابطه جه کفالتیه ریطنه

جلیلک مالغیه تشهر سلاح و مزبوره نک خانه سی جاملرینی شکست و ماری یی جرح ایتدیکی ثابت اولدیغندن دیگر جرماری سبب شدت عدیه اوچ ماه مدته حبسنه

استراطینک خلاف تنیه سلاح طاشیدینی ثابت اولدیغندن مرقومدن بش بشلک جزای نقدی آلمسنه و سلاح آتدینی اکلاشیله مدیغندن برائته

قهوه جی فتح اللهک زوجه مطلقه سی سحرخانمی ضرب ایتدیکی ثابت اولدیغندن مرقومدن بر آتون آله رق مزبوره ویرلسنه

احسان افندینک حاجی کامل افندییه ضرب و جرح ایتدیکی ثابت اولدیغندن مومی الیه احسان افندینک یکریمی بش کون مدته حبسنه

مرانغوز ارمناقلک آندونی ضرب ایتدیکی ثابت اولدیغندن اون کون مدته حبسنه و دیگر پروز الیه مریمک فعل ضربه اشتراکری اکلاشیله مدیغندن مرقومتانک دخی برائتیه

دیمترینک امواله ایراث خسار ایلدکری ثابت اولان پترو و کریاقودن اوتز بشلک جزای نقدی اخذیه برابر خسار بدلی اولان یوز غروشک تضمیننه بک اوغلی بدایت محکمه سی جزا دائره سنجه قرار ویرلشد

مُجْلَدَاتُ الدَّيْنِ بَاهِيَّة

طرابلس شام سنجانی بدایت محکمه سی اعضاسندن اسماعیل افندینک وظیفه قانونیه سنی سوء استعمال ایلدیکی سوریه و بیروت ولایتلری عدلیه مفتشدکنندن وارد اولان اوراق تحقیقه محتویاتندن اکلاشلیمسنه مبنی بالعزل محاکمه الله آلمسنه عدلیه نظارت جلیله سنجه ماذونیت ویریه رک محله تبلیغات مقتضیه اجرا ایدلشد

اِغْلَانَات

بک اوغلی بدایت محکمه سی اجرا دائره سنده :

عزتلو جعفر صادق بکک بدروس فورایان ذمتده بک اوغلی ایکنجی حقوق دائره سی اعلامیه آلاجنی اولان معلوم المقدار مبالغک تأمین استیفاسی ضمنتده آخری عهده سنه وفاء مفروغ اولوب فضله بدل رهنه شامل اولمق اوزره حجز ایدیلان بک اوغلنده قمر خاتون محله سنده ماریقوب و چرچیل کلیسائی و قفلرندن حمال باشی زقاغنده کائن ۵۴ و ۵۶ و ۵۸ نومرولر الیه مرقم عرصه اوزرینه مبنی بش باب کارکیردکانلرده سکر حصه اعتباریه بر حصه شایعه سنک اون بش کون صوکره بالمزایده فروخته تشبث اولنه جغندن طالب اولوب اطرافلیجه معلومات آلمق ایستینلرک بک اوغلی بدایت محکمه سی اجرا دائره سنه مراجعت ایتلری اعلان اولنور .

محمد رمزی افندینک عبداغافنام دیگر منلا عبدل بن ابراهیم ذمتده بک اوغلی برنجی حقوق دائره سی اعلامی الیه محکومه آله حنفی اولان اوچییک ایکیوز قرق یدی غروشک مع فائض و مصارف محاکمه تأمین استیفاسی ضمنتده مدیون مرقومک عهده تصرفده اولوب حجز الله آلمان نفس اشقودره ولایتک کافه محله سنده حدود معلومه الیه محدود بری اوچ دویم و دیگرری اوچیوز ذراع مقدارنده ایکی قطعه باغچه الیه ایکی اوطه و مطبخ و باغچه و مشتملات سائرینی حاوی بر باب خانه نک بالمزایده فروختی قرار الله آلمش اولدیغندن مذکورخانه و باغچه لره طالب اولانلرک بک اوغلی و اشقودره بدایت محکمه لری اجرا دواثرینه مراجعت ایتلری اعلان اولنور .

روپن بدروسیان افندینک مستأجراً اقامت ایتکده اولدینی بک اوغلنده پانغالیتده جدیدیه زقاغنده ۱۶۵ نومرولی خانه نک بدل ایجارندن موسیو کوستاو قوطوبه محکومه دینی بولنان مبالغ معلومه نک تأمین

ضمنتده حجز احتیاطی و اجرائی صورتلریله حجز الله آلمان اموال تجاریه سندن قسماً بک اوغلنده جاده کیرده ۹۰ نومرولی مغازه نک مستأجری موسیو داوید قره صونک نزدنده ید عدل صفقیله ترک و حفظ ایتدیریلان و قسماً دخی مذکور خانه درونسنده کی مرانغوزخانه ده موجود اولان منطاری دیوارکاغدری (لینگوسترا والپون) مومی الیه قره صونک مذکور مغازه سنده شهر حالک اوتوز برنجی جمعه ایتسی کونی ساعت درتدن یدی به قدر بالمزایده فروخت ایدیه جکندن طالب اولانلرک پی و دیپوزیتو اچهلری مستصحباً یوم و وقت مزبورده مذکور مغازه ده حاضر بولنلری بک اوغلی بدایت محکمه سی اجرا دائره سندن اعلان اولنور .

یونان دولتی تبعه سندن استفانو قره مزینک یورکی آلولوایه دینی اولان مبالغ معلومه نک تأمین استیفاسی چون مرقومک عهده تصرفده اولوب حجز الله آلمان حسن رضا پاشا وقفدن طاطاوله ده ساقزلی زقاغنده ۷۳ و ۷۵ و مکرر ۷۵ نومرولی در دست انشا بولنان اوچ باب و ۷۷ و مکرر ۷۷ و ۷۹ و مکرر ۷۹ نومرولی و یکریمی بشریبک غروش قیمتلو دیگر درت باب خانه دن برینک مسکن اولمق اوزره ترکیله دیگرلرک اون بش کون صوکره آرو آرو مزایده لرینک اجراسی تقرر ایتش اولدیغندن طالب اولوب اطرافلیجه معلومات آلمق ایستینلرک بک اوغلی بدایت محکمه سی اجرا دائره سنه مراجعت ایتلری اعلان اولنور .

مناخم انجلک اورام باقار ذمتده بک اوغلی بدایت محکمه سی ایکنجی حقوق دائره سی اعلامیه محکومه به آله جنی اولان مبالغ معلومه نک تأمین استیفاسی ضمنتده مدیون مرقومک عهده تصرفده اولوب حجز الله آلمش اولان غلطه ده برکت زاده محله سنده کمراتی جاده سنده کائن ۵۵ و ۵۹ نومرولره مرقم ایکی باب دکانی مشتمل ۵۷ نومرولی بر باب کارکیر خانه درونلرنده مستقر بوجه ملکیت شریخانه کدکنک یوزیکریمی سهم اعتباریه اوتوز اتی سهم کدک حصه سیله ملکینک یدی حصه اعتباریه ایکی حصه سی تاریخ اعلاندن اعتباراً اون بش کون صوکره بالمزایده فروخت اولنه جغندن طالب اولوب اطرافلیجه معلومات آلمق ایستینلرک بک اوغلی بدایت محکمه سی اجرا دائره سنه مراجعت ایتلری اعلان اولنور .